

四庫全書

集部

欽定四庫全書

集部

古文苑卷十三至

詳校官內閣學士臣瑞保

助教臣常循覆勘

總校官知縣臣繆琪

校對官編修臣范來宗

謄錄監生臣李鳳丹

欽定四庫全書

古文苑卷十三

宋 章樵 註

贊

王粲

正考父贊

正考父孔子七世祖系出宋襄公佐戴武宣三君三命茲益共故其鼎銘

曰一命而僂再命而偃三命而俯循牆而走亦莫余敢侮饁于是粥于是以糊余口事見左傳

荀偃正父應德孔盛身為國卿族則公姓年在耆耄三

葉間政誰能不怠申茲約敬饁粥予口偃僂受命名書

金鼎祚及後聖

言恭儉惟德慶流後人實生孔子

張超

道書洞天集云留侯張良作

尼父贊

史記叔梁紇與顏氏禱于尼丘山得孔子故名與字皆取之

巖巖孔聖異代稱傑量合乾坤

中庸仲尼上律天時下襲水土如天地之無不

持載無不覆恃

明參日月

子貢曰仲尼日月也

蔡邕

焦君贊

鎮江焦山寺有焦徵君贊碑僧了元跋云丹陽舊園經言焦山以焦先所隱故

以為名按皇甫謐逸士傳曰世莫知焦先所出或言生漢末無父母兄弟見漢衰乃不言常結

草為庵冬夏袒露垢汚如泥居于海島之上三  
召不起飛陞洞中今錄蔡邕贊以附于石元祐  
四年己巳正月十三日按伯喈遇害于漢末  
魏志載焦先青龍間事兼不及徵召之說未知

孰是

猗歟焦君常此玄默衡門之下栖遲偃息泌之洋洋樂

以忘食

詩衡門之下可以栖遲泌之洋洋可以樂飢注  
泌泉水也洋洋廣大也可以樂道忘飢魏志云

先或數  
日不食

鶴鳴九皋音亮帝側

詩鶴鳴九皋聲聞于天毛  
氏註言身隱而名著也

迺徵迺用將受袞職

袞衣之職  
謂三公也

昊天不弔賢人遘慝

詩

弔昊天不宜空我師弔愍也  
天不愍下民而奪之賢人也不惟一志并此四國如何

穹蒼不詔斯或

再呼天以詰其故非天詔之此豈適然然乎反覆推究以見痛念之深焦山石

刻作不照斯感

惜哉朝廷喪茲舊德恨以學士將何法則

言善人云

亡士夫失

其師式

# 銘

## 班固

高祖沛泗水亭碑銘

高祖微時試吏為泗上亭長及平定天下為漢太祖

後人欲顯揚帝績所基故為之碑銘後漢郡國志沛有泗水亭亭有高祖碑班固為文見固集

皇皇聖漢兆自沛豐乾降著符精感赤龍

漢紀高祖沛豐邑中陽里

人姓劉氏女嫗嘗息大澤之陂夢與神遇父太公往視則見交龍其上已而有妊遂產高祖漢火德故稱赤龍

承題

一作題又作累

流裔襲唐末風

陶唐氏之後曰劉累學擾龍以事孔甲故在夏為御

龍氏題合作累本紀贊曰漢帝本系出自唐帝降及于周在秦作劉人孝經鉤命訣曰佳己感龍生帝題黃帝子孫寸木尺土無竅斯亭

言漢之興自天降符上承堯運無埃泗上亭長也

建

號宣基維以沛公揚威斬蛇金精摧傷

高祖拔劍斬蛇有老嫗夜哭曰

吾子白帝子也化為蛇當道今赤帝子斬之金精謂白帝子二世元年沛父老子弟迎高祖立為沛公旗幟尚

赤以應赤帝之誠宣開也

涉關陵郊

一本作陵霸

係獲秦王

沛公西入關至霸上秦王

子嬰素車白馬係頸以組降枳道旁

應

作

門造勢斗壁納忠

沛公與項羽會鴻門從間

走軍使張良留謝羽  
獻璧又獻玉斗范增  
天期乘祚受爵漢中勒陳東征剋

擒三秦

漢元年羽立沛公為漢王王巴蜀漢中韓信勸  
帝決策東向遂還定三秦謂羽三分關中立秦

將章邯為雍王司馬欣為塞王董翳為  
翟王至此皆就擒羽音振擊也又拾也  
靈威神祐鴻溝

是乘漢軍改歌楚眾易心

四年羽與漢約中分天下割鴻  
溝以西為漢以東為楚羽解

而東歸漢王欲西歸張良陳平諫曰楚兵罷糧盡此天  
亡時也不如因其幾而取之五年漢圍羽垓下羽夜聞

漢軍四面皆楚歌盡  
得楚地與數百騎走  
誅項計羽諸夏以康  
灌嬰追斬羽  
東城天下遂

定誅項謂項悍項冠  
項聲等皆羽之將  
陳張畫策蕭勃翼終出爵褒賢裂

土封功

陳平張良為謀主蕭何周勃輔翼其終此漢所  
以定天下也六年定封功臣申以丹書之信重

以白馬之盟又作十八侯位次炎火之德彌光以明源清流潔本盛末

榮一作長言帝室隆盛則諸侯獲承休德保有封爵叙將十八贊述股肱固自叙作

銘之休勛顯祚永永無疆國家安國謂漢家謂功臣之後我君

是升根生葉茂舊邑是仍言功臣裂土受封如木之有根後嗣承襲支葉當益茂案

孟堅作碑銘時功臣子孫猶有存者如平陽侯十一世孫侯曠紹封是也於皇舊亭苗嗣是

承言漢有天下始於亭長後嗣不可忘其本天之福祐萬年是興

十八侯銘漢書功臣表列侯百四十三人乃呂后時陳平所差次顏師古遂以第一

至十八為十八侯位次未審何所據張陳功並蕭曹不應不在十八侯之列當以此本為是

耽耽相國弘策不追

耽耽威重貌易虎視耽耽並丁舍反不追言後人莫能及也

御

國維綱秉統樞機

宰相之職無所不統

文昌四友漢有蕭何

文王名昌

言周之所由昌盛也以太公望閻天南宮适散宜生為四友事見孔叢子及陶靖節集四百八日又張華博物

志文王四友南宮适散宜生閻天太顛銘謂漢有蕭何猶文王之有四友

序功第一

本傳漢五年上

以何功最盛先封為鄼侯奏位次何第一謚文終

受封于鄼

鄼屬南陽郡音贊沛郡又有鄼縣才

何反師古注高紀云泗水亭碑以蕭相國所封與何同韻於義無與然其封邑寔在南陽非沛縣也

### 鄼侯蕭何第一

歟歟

武勇貌音光詩武夫沈沈

將軍威蓋不當操盾千鈞拔主項堂

沛公謝項羽戲下亞父謀欲殺之噲聞事急持盾直撞入立帳下誚羽沛公走歸霸上軍漢興破楚

矯矯忠良卒為丞相帝室以康

賜爵列侯食舞陽遷為左丞相

將軍舞陽侯樊噲第二

舞陽屬潁川郡舞水出南諡武

赫赫

光明貌

將軍受兵黃石

良得一編書于黃石祖父視之乃太公兵法以說高祖常

用其規圖勝負不出帷幄

封功臣高帝曰運籌策帷幄中決勝千里外子房功也自

擇齊三萬戶良曰始良與上會留願封留是矣迺封良為留侯

命惠瞻仰安全正朔

高帝

欲易太子良令卑詞厚禮招四皓以自輔上于是太子又手勅太子曰汝見蕭曹張陳諸公年倍于汝者

皆拜惠帝承國師是封光榮舊宅

舊宅謂留良常稱以三寸舌為帝者師封

萬戶位  
列侯

將軍留侯張良第三

諡文成

懿懿太尉醇厚朴誠輔翼受命應節御營

懿懿醇美貌高帝曰周勃

重厚少文然安劉氏者必勃也可令為太尉及諸呂欲為亂襄平侯持節矯內勃北軍軍皆左袒為劉勃遂將北軍誅諸呂

歷位卿相土國兼并

以太尉為右丞相食邑萬戶

見危

致命社稷以寧

謂諸呂欲危劉氏勃能致竭節立文帝社稷復安

太尉絳侯周勃第四

絳縣屬河東郡諡武

蹇蹇相國允忠克誠臨危處險安而匡傾

蹇蹇忠節貌易王臣蹇蹇

匪躬之故參用兵處事當危險之際鎮以  
安靜卒能正救傾敗言其有宰相之量  
興代之際濟

主立名

謂孝惠嗣立參為相國能遵守  
法度致主于寡過垂名于後世

身履國土秉御

乾楨

謂封侯胙土後為相國秉統  
國均楨幹也詩維周之楨

將軍平陽侯曹參第五

平陽屬河東郡參爵列  
食邑平陽萬六百三十

戶定功行封以蕭何為第一參次之功  
臣表次亦居二此居第五未詳謚懿

洋洋丞相

洋洋得意貌惠帝即位  
六年陳平為左丞相

勢謫師旅擾攘楚魏

為漢謀主六奇解厄揚名于後

本傳平凡六出奇計計  
或頗秘世莫得聞也贊

陳平傾側擾攘楚魏之間卒歸於漢而為謀臣  
解厄謂以秘計說關氏脫高祖于白登之圍

丞相戶牖侯陳平第六

平武陽縣戶牖鄉人也  
因以封之後更封曲逆

侯五十  
戶謚獻

堂堂

矜大貌

張敖耳之遺萌以誠佐國序迹建忠

教張耳之子嗣

立為趙王貫高等謀為逆  
教齧指出血不肯背漢

功成德立襲封南宮

謂教子偃襲父

侯爵而  
封南宮

垂號萬春

一作暮

永保無疆

謂中以帶礪之  
盟後言萬世同

南宮侯張敖第七

按教嗣  
降封宣平侯謚武孝文即位

立為趙王以貫高事

封教子偃  
為南宮侯

衍衍

寬裕貌

衛尉德行循規遭兄食其隕歿於齊橫耻愧

景劄劉自獻

鄧食其說齊罷歷下軍為韓信所襲齊以鄧生賣己而烹之高祖後赦田橫罪而召

之橫謝曰臣烹陛下之使食其今聞其弟鄧商為漢將而賢恐懼不敢奉詔復使使持節諭意橫曰烹人之兄與其弟併肩而事主獨不愧於心乎遂自頸令奉其頭馳奏之銘言商之賢名聞諸侯有以致橫深愧仰之

金紫褒表萬世不刊

列侯金章紫綬刊叶韻去聲

衛尉曲陽侯鄧商第八

曲陽屬東海郡傳作曲周謚景

煌煌將軍輔漢久長

煌煌明威貌嬰初從高帝起至文帝朝繼絳侯勃為丞相威震

呂氏姦惡不揚寇攘殄盡躬迎代王

諸呂欲為亂以嬰為大將軍往擊齊

嬰屯兵滎陽風齊王以誅呂氏事還與絳侯陳平共立文帝

功顯帝室萬世益章

將軍潁陽侯灌嬰第九

本傳食潁陰五千戶文帝時益封三千戶誡懿

斌斌將軍鷹武是揚

詩維師尚父時維鷹揚銘引之言嬰佐高祖擊秦軍破項羽天下已

定又從擊陳豨英布咸武如鷹之揚

內康王室外鎮四方諸夏又安流及

要荒

代王之來嬰以太僕入清宮以天子法駕迎立文帝復為太僕卒輔文帝又安中國鎮撫四夷聲

騁海內苗嗣紀功

將軍汝陰侯夏侯嬰第十

食汝陰六千九百戶屬汝南郡謚文

休休

樂易說書其心休休焉

將軍如虎如羆御師勒陳破敵以威

靈金曜楚火流烏飛

寬從高帝至霸上定三秦又從擊項羽靈金高祖斬白蛇劍也所藏

之庫名曰靈金內府見三輔黃圖曜楚謂伏劍感項以  
平天下也武王伐紂有火止于王屋流為烏此借用以  
彰赤帝將命仗節功績永垂寬為齊相國脩齊時田橫  
未降故設屯備徙為代相

國將屯師古曰代國常有屯兵以備邊  
寇寬為相國兼將此屯兵薨于代丞相

將軍陽陵侯傅寬第十一

戶謚景二千六百

斤斤

爾雅斤斤其明察也音靳

將軍忠信孔雅出身六師十二四旅

謂欽以中消從起宛朋凡從高帝征伐十  
二別破軍十四所至有功也事具本傳

折衝扞難遂

寧天下金龜章德

金印龜紐書天命  
有德五服五章哉

建號傳後

信武非  
封邑故

號云建

將軍信武侯新歛第十二

割符定食四千六百戶為信武侯遷車騎

將軍

諡肅

明明丞相天賦庭直

惠帝六年為右丞相庭亦直也詩直降庭上

剛德正行

不枉不曲

本傳陵為人少文任氣好直言具剛正蓋得之天性也

功業成著榮顯

食邑距呂奉主昭然不惑

高后欲立諸呂為王王陵廷爭以為背高祖約

丞相安國侯王陵第十三

五十戶諡武

桓桓武將軍輔主克征奉使全璧身出

涉項營

信將韓兵從入

武關又從入漢中說漢王還定三秦立為韓王使守滎陽項羽拔之囚于羽軍得亡歸漢序功差德

履讓以平

高紀六年正月丙午韓王信等奏請封荆王劉賈等四人為王以太原郡為韓國徙信都

晉陽按功臣表是日封留侯而下共十三人

轉北而遊雲中以傾遊

一作述上以信壯

武使以備胡寇信請治馬邑秋匈奴冒頓大入圍信信數使使胡求和解上疑信有二心賜書責讓之信恐誅遂降胡雲中與太原接皆並塞郡也至孫嬰率眾歸漢孝文時封襄城侯

將軍襄平侯韓信第十四

次之史傳十八侯位次之作當在六年定

封後是時張敖為趙王信為韓王王爵居列侯之上然時謂之諸侯王其為人臣稱號等耳故通曰十八侯其後敖子偃封南宮侯信係嬰封襄城侯蓋子孫世襲之爵也而漢制非劉氏不王故雖功臣舊嘗封王亦係以子孫之侯爵蓋堅固之信係以襄城又以嬰歸漢之功蓋其降

胡之罪也作襄平誤淮陰侯名居三陳然不列  
于十八侯位次蓋是時已有雲夢之縛高祖特

之黜

巖巖

威稜貌

將軍帶武佩威御雄乘險難困不違仇滅主

定

雄豪吾御之險阻吾乘之或遇難困乘節不違故能佐漢誅滅仇敵以定帝業

四海是楨功

成食土德被遐邇

按文通當作昆昆也傳寫之誤

將軍棘津侯陳武第十五

功臣表作棘蒲武一姓崇謚剛

晏晏

安和貌

曲成興從龍騰

興衆也史傳曰雲起龍襄化為侯王功臣表達以從起碣

至霸上定三秦破項藉侯安危從主赤曜以升

赤曜言漢以火德興達能夷險一節佐高

祖定天下猶扶  
日而升天衢

赫赫皇皇道彌光明惟德御國流及後

萌

曲成侯蟲達第十六

曲成屬東萊郡謚園

肅肅御史以武以文

肅肅嚴重貌高祖四年昌為御史大夫御史位上卿掌副丞相

趙距呂志安君身徵詣行所如意不全

戚姬子如意為趙王高祖憂其

不能自全以昌堅忍仇直自呂后太子及大臣皆素嚴憚之於是徙昌為趙相高祖崩呂太后使使召趙王使者三反昌不奉詔太后怒召趙相昌既至太后使使召趙王至長安月餘見鵠死

天秩邑土勛

乃永存

御史大夫汾陰侯周昌第十七

汾陰屬河東郡監憚

邑邑將軍育養烝徒建謀正直行不匿邪

邑邑謀抑貌養氏建議未

究其詳

入軍討敵項定天都

功臣表吸以中涓從起豐至霸上為騎郎將入漢以將軍擊項

籍侯二千二百戶

佩雀雙印百里為家

後漢輿服志佩雙印長寸二分方六分王公列

侯以白玉龜雀皆印紐之飾六百石以下始用銅印鼻紐不為蟲獸之形縣方百里

將軍青陽侯王吸第十八

功臣表作清河謚定

馮衍

字敬通京兆杜陵人後漢書有傳

車銘

淮南子曰見龍蓬轉正為車蓋以類取之也古史攷曰黃帝作車引重致遠少昊時

畧加斗禹時

奚仲加馬

乘車必護輪治國必愛民車無輪安處國無民誰與

傳教

一本作在  
駟後同

車左銘

夏書甘誓疏二人在一車之上左為車  
左右為車右御者在左勇力之士在右

虞氏作車取象璣衡

虞書在璇璣玉衡璣衡北斗星也  
言車之制象北斗之運天官書斗

為帝

君子建左法天之陽

御車自左  
法天左旋

正位受綏車不內

顧

論語升車必正立執綏車  
中不內顧不疾言不親指

塵不出軌

曲禮驅塵不出  
軌穀梁傳車軌

塵范甯注  
塵不出軌

鸞以節步

大戴禮在衡為鸞在軾為和馬行  
而鸞鳴鸞鳴而和應此御之節也

彼言不疾彼指不躬玄覽於道永思厥中

車右銘

曲禮車右就車注車右勇力之士備制非常者君行則陪乘君弋則下步行公

羊傳達丑父者頃公之車右也

擇御卜右採德用良

晉語卜右虔鄭吉漢書素菴曰天子所與共六尺輿者皆天下英豪

詢納耆老于我是匡惟賢是師惟道是式箴闕旅賁

楚語

在輿有旅賁之規周禮旅賁氏夾玉車而趨

內顧自勅匪望其度匪愆其則

越戒敦約禮以華國

周官象路注以其餘路從行亦以華國

車後銘

禮記天子祈穀于上帝親載耒耜措之于參保介之御間鄭注以為車右御者

及參乘如此則一左一右又有在車後者矣

敬其在路

路亦車也周官有典路

體貌思恭望衡顧轂允慎茲容

衡車前橫木較者輻之所接

無或好失

音逸

匪盤于遊

周書無逸不敢盤于遊田

顧

省厥遺虎尾斯求

易履虎尾愬愬終吉

昭德塞違

左傳昭德塞違以臨照百官

抑盈以無雖有三晉猷然若虛

孟子附之以韓魏之家自視猷然淮南子智伯

有三晉而欲不賡韓魏趙三晉也智伯率韓魏之甲以攻趙氏魏桓子御韓康子參乘桓子肘康子康子履桓子之跗欲共國智氏智伯不悟遂為三晉所滅此足為驕盈者之戒事具戰國策

張衡

字平子南陽西鄂人後漢書有傳

綬笥銘

笥竹器商書惟衣裳在笥漢百官皆有印章組綬以貫印之鼻組笥所以承印

也

南陽太守鮑得有詔所賜先公綬笥傳世用之得更理

笥衡時為得主簿作銘曰

此笥祖上奉天子詔命所賜子孫保用得為南陽太守時更

緝之敬而不改為以君賜為重平子時為南陽主簿因為之銘

懿矣茲笥爰藏寶珎金

鏤組履文章自信

寶珎謂印組金鏤上飾組履下藉也信音申

皇用我賜俾

作帝臣服其令服鸞封艾綬

鸞封謂印刻為鳥篆之文艾綬謂整草染然綠色以

為綬所謂青編二十石綬也

天祚明德大賚福人垂光厥世子孫克

神福人指其祖上後世傳此器寶而神之厥器惟舊中寔惟新笥中之寔謂太宰印

綬周公惟事七消有隣消潔也漢有中消之官周公事未詳

胡廣

字伯始南郡華容人官至太傅後漢書有傳

笥銘

承印綬之笥綬亦綬也

休矣斯笥凡器為式受相君子承此印綬靈帝圖畫廣及黃瓊於省

中蔡邕為頌有曰赫赫三事七佩其綬帝命所各用褒令德各謂不輟以畀人有德者

則寢佩以自修服以自勅忠肅恭懿鮮不為則左傳稱八元之

美曰忠肅共懿能盡此美可為人靡悔靡吝神人致福之法則詩曰不借不賊鮮不為則

服此命服能修德以稱之不  
至悔吝所以獲神人之福

印衣銘

印與服也漢官儀印有金銀銅之殊而  
服亦異其色所以別尊卑等貴賤也此

銘伯始  
以自警

明明上皇旌以命服

上皇謂天子也錫人臣以命服所  
以旌有德書天命有德五服五章

哉紆朱懷金為光為飾

揚子法言紆朱懷金朱服  
色金印章也詩為龍為光邁種

其澤撫寧四國

書皋陶邁種德邁  
達也四國猶四方

宣慈惠和柔嘉維則

克厭帝心膺茲多福登位歷壽子孫千億

八元之美宣  
慈惠和仲山

甫之德柔嘉維則人臣能體此  
可上荅天心踐祿位膺壽祉矣

崔駰

字亭伯涿郡安平人後漢書有傳

仲山甫鼎銘

古者功臣勒勲彝鼎仲山父佐周宣中興宜有鼎也後人或擬其形

製為之因以為名後漢竇憲傳南單于遺憲古鼎容五斗其旁銘曰仲山甫鼎其萬年子子孫

孫永保用憲址征時駰為主簿

鼎耳革其行塞雉膏不食方雨虧悔終吉

鼎卦九三爻詞

有福

足勝其任公餗乃珍

九四云覆公餗其形渥也反而言之

於高思危在滿

戒溢可以永年天之大律

崧高詩美仲山父既明且哲以保其身故銘寓此意漢書

郊祀志載太誓曰正稽古立功立事可以永年丕天之大律

樽銘

禮記曰廟堂之上罍樽在阼犧樽在西又泰有虞氏之樽也山罍夏后之樽也犧象

周樽也

惟歲之元朝賀奉樽

後漢禮儀志歲首為大朝受賀二千石以上上殿舉觴百官受賜宴

饗大  
作樂

金罍犧象嘉禮具存

金合作泰傳寫之誤言漢之朝會備前代禮器易嘉會足

以合禮故五禮以朝會為嘉禮

獻酬交錯萬國咸歡

因古國字或云王莽所改

襍銘

冬至日獻履襍取其履長日至而迎福祐也曹植冬至表獻履貢襍所以迎福踐長

蓋自漢以來習俗以此為禮

機衡建子萬物含滋

機衡北斗星也十一月冬至斗柄建子萬物潛萌于地下故曰含滋

黃鍾育化以養元基

律中黃鍾之宮元化胚胎于此

長履景福至于億

年

祝君之詞

皇靈既佑祉祿來臻本支百世子子孫孫

詩文王孫

子本支百世本嫡也支庶也俱百世茂盛

李尤

孟津銘

禹貢注孟津地名在洛北都道所湊古今以為津又周書注孟者河北地名春

秋所謂孟盟是也故史記謂之盟津

洋洋河水

家語孔子自衛將入晉臨河而嘆曰美哉水洋洋乎

赴宗于海經自中

州龍圖所在

龍馬負圖出于河伏義因畫八卦

黃函白神

黃者河之色屬土土生金

故黃中  
函白

赤符以信

赤者大也火克金信叶韻平聲

昔在周武集會孟津

魚入王舟乃徃克殷

泰誓一月戊午師渡孟津史記武渡河中流白魚躍入王舟中諸侯

不期而會者八百白魚兵象也殷尚白周尚赤以兵克殷之兆也

大漢承緒懷附遐鄰

邦事來濟各貢厥珍

言漢懷柔方外遠國濟自孟津以禮修貢不復用兵

洛銘

光武以漢火德水克火改洛為雒東漢人不用此洛字蓋後人所書

洛出熊耳東流會集夏禹尊疏經于洛邑

禹貢導洛自熊耳東北會

于澗渰又東會于伊孔安國注合于洛陽之南

玄龜赤字漢符是立

孔安國書注天與禹

洛出書龜負文而出淮南子洛出丹書漢火德故以赤字為符

帝都通路建國南鄉

光武

中興建都洛陽萬乘終濟造舟為梁大雅造舟為梁不顯其光毛氏注天子造舟此謂帝

都所在萬乘出入必經洛水故造舟聯之又架梁于上所以尊國體三都五州貢篚萬方

三都謂周成王初營洛邑為東都平王東遷遂都王城及光武中興洛陽為漢京五州謂五服內所營之州禹

定貢賦有貢有篚今會于漢京悉由洛而濟廣視遠聽審任賢良元首昭明

庶類是康言漢居天下之中人主聰明無蔽委用賢才則天下治書元首明哉股肱良哉庶事康哉

井銘盛弘之記神農既有九井自穿並于瞽叟使舜浚井蓋自古有井矣

井之所尚寒泉冽清易井卦九五法律取象不槩自平

晉天文志東井八星主水衡事法令所取平也多取不損少汲不盈執憲若斯

何有邪傾

小車銘

曲禮注安車者今小車也駕一馬而坐乘漢書車千秋年老上優之朝見得乘

小車入宮殿中

圓蓋象天方軫則地

周禮冬官注車有天地之象人在其中軫之方也以象北也蓋之圓

也以象天也

輪法陰陽動不相離輪分左右動則與俱軫之啖虛䟽達

開通

後漢與服志注飛軫以綆油廣八寸長注地繫軸頭禮記注軫軹頭也

兩輜障邪尊

卑是從

輜軹也所以障蔽前尊後卑

軹軹之用信義所同

論語人而無信不知

其可也大車無軹小車無軹其何以行之哉注軹者轅端橫木以縛軹軹者轅端上曲鉤衡

漏刻銘

周官挈壺氏掌壺皆以水火守之分以日夜說文漏以銅壺盛水刻節晝夜百

刻

昔在先聖配天垂則仰釐七曜俯順坤德乃建日官

左傳

天子有日御諸侯有日官

俾立漏刻昏明既序景曜不忒唐命羲和

敬授人時

堯典乃命羲和欽若昊天歷象日月星辰敬授人時

懸象著明

易懸象著明莫

大乎

序以崇熙季末不虔德衰于茲挈壺失職刺流在

詩

詩東方未明刺無節也挈壺氏不能掌其職焉

聖哲稽古帝則是欽

詩不識不知順

帝之

尺璧非寶重此寸陰

淮南子聖人不貴尺之璧而重寸陰

昧旦不顯

敬聽漏音

左傳虢之銘曰昧旦丕顯後世猶怠

思我王度如玉如金

左傳思我

王度式如玉式如金

紫甕

警枕銘

此銘當為曹公操作曹公是時猶未甚顯蟠龍哲人皆指操也後人有以小木

圓枕警睡即其遺制

應龍蟠蟄潛德保靈

枕為蟠龍之形應平聲有翼而飛曰應龍方言龍未升天曰蟠龍易

龍蛇之蟄以存身也制器象物示有其形哲人降鑒居安慮傾

枕正

圓睡稍安則警而寤故名警枕

樽銘

周禮六樽皆有量尊寔以酒壘酌而飲之也有足曰樽無足曰著頸小而腹大曰壺

著直畧切言  
措之則著地

酒以成禮弗愆以淫德將無醉過則荒沈

成禮謂祭祀  
賓客也周書

酒誥越庶國飲惟祀德將無醉注以德  
自將無令至醉過量則荒淫而沈酒

盈而不冲古人

所箴

冲虛也詩云耕之耨矣維耨之耻言人飲酒當知  
有節不可使耕耨竭以為量耻古人以此為箴戒

尚鑒茲器茂勗厥心

勗勉也

王粲

無射鐘銘

繫集二銘一曰難宥鐘銘其詞有魏  
匡國誕成天功底績六合纂定庶邦

永民靡戾休徵惟同皇命孔昭造茲衡鐘紀之以三平之以六度量允昭氣齊允淑表聲韻和氏聽以睦時作雅賓永享遐福一日無射鐘銘云云雅賓五月律其音徵無射九月律其音商二鐘蓋以音別之劉達注左思魏都賦文昌殿前有鐘虞其銘曰惟魏四年歲在丙申龍次大火五月丙寅作雅賓鐘又作無射鐘建安二十一年七月始設鐘虞於文昌殿前歲月并銘各鑄于鐘之兩按魏以建安十八年開國二十一年正魏之四年也

有魏匡國成功允章格于上下光于四方休徵時序尚書

洪範雨暘燠寒風五人悅時康造茲衡鐘周禮考工記者各以其時曰休徵人悅時康造茲衡鐘息氏為鐘角

上謂之衡注柄有命自皇皇謂漢帝按漢書曹操以建安十八年封魏公加九錫三所以懸之也

曰樂器故鑄鐘時雅三以紀之六以平之周語景王將鑄無射問律

于伶州鳩對曰度律鈞鐘百官軌儀紀之以三平之以六成于十二注三天地人平之以六律也厥量

孔嘉量以準鐘之小大考工記云嘉量既成厥齊孔時考工記六分其金而錫居一謂之鍾

鼎之齊音聲和協人德同熙聽之無斁斁與射同用以啓期

言以此啓魏之期運也繫集人字並作民可見此編唐人手抄避太宗諱

### 刀銘

侍中關內侯臣繫言奉命作刀銘及示以其叙二報誠必朝氏之刀而張常為工矣輒思作銘謹奉陋不足覽

建安十八年魏國始建槩為侍中爵闕內侯奉命謂承  
魏公操之命叙報叙述作刀之始屬朝氏作刀之工為  
張常蓋叙不明言相時陰陽制茲利兵吳喜志林古人  
鑄刀以五月丙  
其人按其文知之  
午取純火精以協其數陽泉物理論阮師之作刀七月  
庚辛見金神於冶監之門教以水火之齊用陰陽之候  
取剛柔之和也  
和諸色劑考諸濁清周禮考工記桃氏為刀參  
分其金而錫居一謂之大  
刀之齊鄭氏注大刀刀劍之屬又凡鑄金之狀金與錫  
黑濁之氣竭黃白次之黃白之氣竭青白次之青白之  
氣竭清氣次之  
然後可鑄也  
灌鑿以數質象有呈灌鑿鍛鍊之名也  
歐冶子善鑄劍萬

辟千灌魏文帝典論魏大子造百辟寶  
刀呈猶程式也其質其形皆有法式  
附反載穎舒中

錯形反背穎鋒也錯形謂以金玉錯其上為  
文李尤佩錯刀銘佩之有錯抑武揚文  
陸剗犀兕

水截鯢鯨

犀兕巨獸其革最堅周禮函人有犀甲兕甲鯢鯢大魚或以比大惡之魁左傳取其鯢鯢

而封之刺截

斷裁也

王褒聖主

君子服之式章威靈

春秋

得賢臣頌水斷蛟龍陸刺犀兕

繁露刀之在左

無曰不虞戒不在明

言戒備于未然書怨豈在明不見是

圖

古文苑卷十三

欽定四庫全書

古文苑卷十四

宋 章樵 註

箴

揚雄

百官箴序

左傳襄四年昔周辛甲之為太史也命百官官箴王闕于虞人之箴曰芒芒

禹迹畫為九州經啓九道民有寢廟獸有茂草各有攸處德用不擾在帝夷羿冒于原獸亡其國恤而思其虺牡武不可重用不恢于夏家獸臣司原敢告僕夫于是晉侯好田故魏絳及之范曄編次揚雄以下所作命之曰百官箴蓋取古者官箴王闕之義

初楊雄依虞箴作十二州二十五官箴

漢書楊雄自序云箴莫大于虞

箴故作九州箴按禹平水土別九州後以人物阜繁增置幽并營三州舜典曰肇十有二州是也孔安國注舜分冀州為幽州并州分青為營州又曰咨十有二牧食哉惟時則是州置一牧所以牧養斯民也茲箴無營州有交州蓋據漢事以為規戒其九箴亡闕後涿郡崔駰及子瑗又臨

邑侯劉駒駰增補十六篇胡廣復繼作四篇文甚典美

乃悉叙次首目為之解釋名曰百官箴凡四十八篇

此序

苑疇詞見後漢胡廣傳今所存四十篇疇注不可復見

北冀州牧箴

洋洋冀州鴻原大陸

洋洋平曠貌禹貢既修太原注高平曰太原又大陸既作岳陽

是都

禹貢至于岳陽注太岳在太原西南山南曰陽此州帝都

島夷皮服潺湲河流

夾以碣石

石島衣皮服夾石碣石入於河並禹貢

三后攸降列為侯伯

三后堯舜

禹也五子之歌惟彼陶唐有此冀方言自堯至禹皆都冀也由夏而降則分為侯國如堯之後封于唐殷末有黎侯西伯戡之春秋時晉獻公滅耿以賜趙夙滅魏以賜畢萬皆古國之在冀者

降周之末趙

魏是宅冀土糜沸炫沄如湯更盛更衰載從載橫

威烈王時

三卿分晉天子命趙籍魏斯為諸侯自此戰國爭強從橫之說迭為勝負

陪臣擅命天王是

替

陪臣謂平原信陵輩也各擅國命不復知有周

趙魏相反秦拾其敝

趙魏相攻秦乘

其敵而滅之北築長城恢夏之場蒙恬傳秦北築長城起臨洮至遼東延袤

萬餘里比禹貢冀州之疆域則恢拓矣漢興定制改封藩王張耳高祖子如意子友皆

封王于趙仰覽前世厥力合作孔多初安如山謂虞夏時後崩如

崖謂戰國時故治不忘亂安不遺危周宗自怙云焉有予隳

六國奮矯果絕其維牧臣司冀敢告在階在階猶在庭官箴王闕不

敢斥至尊故托以告在庭之臣

### 兗州牧箴

悠悠濟河兗州之寓九河既導雷夏攸處禹貢濟河惟兗州九河既

道雷夏既澤注河水分為草繇木條漆絲紵濟潔既

九道在此州界雷夏澤名

通降丘宅土見以上並禹貢

成湯五徙卒都于亳

書序自契至于成湯八遷

湯始居亳

盤庚北渡牧野是宅

按書序盤庚五遷將治亳陰史記盤庚南渡河

復居成湯之故居此云北渡宅牧野未詳孰是

丁感雝雉祖己伊忠爰正厥事

遂緒高宗

書高宗彤曰越有雝雉祖己曰惟先格王正厥事丁武丁也言因鼎雝之異其臣祖己納

忠于君克黷湯緒號稱高宗

厥後陵遲顛覆湯緒

其後祖甲淫亂殷復衰至紂遂覆商

之基

西伯戡黎祖伊奔走致天威命不恐不震

事具西伯戡黎

篇紂曰我生不有命在天是不知畏恐也震平聲

婦言是用牝雞是晨

見牧誓三

仁既知武果戎殷

論語微子去之箕子為之奴比干諫而死孔子曰殷有三仁焉言殷之喪

亡三仁已知之禮記武王壹戎衣而天下大定

牧野之禽豈復能耽甲子之

朝豈能復笑

紂好酒淫樂為炮烙之刑妲己笑武王以甲子日勝紂于商郊牧野斬紂殺妲己

有國雖久

殷有天下六百餘年

必畏天咎有民雖長必懼人殃箕

子戲歛厥居為墟

箕子過故殷墟感宮室毀壞生禾黍作麥秀之詩以悲陽之

牧臣

司究敢告執書

猶尚書也

### 青州牧箴

茫茫青州海岱是極鹽鐵之利鉉松怪石羣水攸歸萊

夷作牧貢篚以時莫怠莫違

禹貢海岱惟青州厥貢鹽絺鉉松怪石萊夷作牧厥

篚縻

昔在文武封呂於齊厥土塗泥在丘之營五侯九

伯是討是征

文王得呂尚于渭濱號曰太公望武王克殷封之于齊營丘命之曰五侯九伯汝寔征

之以夾輔周室

馬殆其銜御失其度

侯國叛命上之統取又失其道

周室荒亂

小白以霸諸侯僉服復尊京師

周室權綱隳壞齊侯小白始以青州之地霸天

下尊王室

小白既沒周卒凌遲嗟茲天王附命下土

億兆生人之命

繫于一人

失其法度喪其文武

言文不能壽命有功武不能征討有罪

牧臣司

青敢告執矩

徐州牧箴

海岱伊淮東海是渚徐州之土邑于蕃宇

禹貢海岱及淮惟徐州說

文堯遭洪水民居水中高土故名曰州渚亦高土可居者也蕃宇謂在侯衛之地

大野既瀦有

羽有蒙孤桐蟻珠泗沂攸同

大野澤名蒙羽二山沂泗二水名嶧山之陽特生桐

中琴瑟淮夷之水出蟻珠並禹貢注

寔列蕃蔽侯衛東方

齊地古與鴈氏國按左傳與鴈

氏少皞時司冠之官

民好農蠶大野以康帝癸及辛不祗不恪沈

湏于酒而忘其東作天命湯武勸絕其緒祚

言東方之民自古以

農桑為務癸桀名辛紂名至于桀紂淫酒失德忘其農桑之本為天所棄以失天下降周任姜鎮

于瑯琊姜姓絕苗田氏攸都

周封姜太公呂尚于齊其後平公時田常專政盡誅

公族之強者割齊安平以東至瑯琊自為封邑三世至田和篡齊姜氏之苗裔遂絕

事由細微不

慮不圖禍如丘山本在萌芽

言田敬仲來奔其始甚微積微成著卒至篡奪

臣司徐敢告僕夫

伯同為周太僕正僕臣之長

### 揚州牧箴

矯矯揚州

言風俗勇悍

江漢之游

州境距江漢之濱

彭蠡既豬陽鳥

攸處橘柚羽貝瑤琨篠簜

禹貢注彭蠡澤名陽鳥鴻雁之屬冬月居于此澤羽鳥羽

毛貝水物瑤琨皆玉名篠竹箭簜大竹

閩越北垠

今福建交廣地在此沅州之南故云北垠

湘攸往

二水名

獷

一作獷

矣淮夷蠢蠢荆蠻

周成王嘗征淮夷商高宗嘗伐

荆楚皆

在州境翻彼昭王南征不旋人咸躋於垤莫躋於山咸

跌於汚莫跌於川明哲不云我昭童蒙不云我昏

童蒙喻愚

昧言聖益聖愚益愚

湯武聖而師伊呂桀紂悖而誅逢干蓋邇不

可不察遠不可不親

翻輕揚貌周昭王南巡狩至漢未濟舟解而溺箴言人情慮難險則

安泰忽平易則陷危昭王當成康太平之後輕忽自肆亡乃祖不泄邇不亡遠之心遂喪身外服為天下笑

靡有孝而逆父罔有義而忘君太伯遜位基吳紹類夫

差一誤太伯無祚周室不匡勾踐入霸

太伯遜位而逃順父也式開吳

國夫差恃強連兵上國無君也卒底滅亡越滅吳王室不能正之勾踐遂入中國而稱霸當周之隆

越裳重譯

越裳南海國名成王時重九譯來貢

春秋之末侯甸叛逆

君道盛則

遠人至君道衰則通臣離

元首不可不思股肱不可不孳

虞書予思日孜孜君

心也主于內故當思臣股肱也宣力四方故當勤孜與華同

堯崇

一作勤

屢省舜盛欽

謀

書屢省乃成欽哉

牧臣司揚敢告執籌

運籌帷之臣

### 荊州牧箴

杳杳

一作幽幽

巫山

雲夢澤中山其峰十二

在荆之陽江漢朝宗其流

湯湯夏君

一作后

遭鴻荆衡是調雲夢塗泥

禹貢荆及衡陽惟荊州江

漢朝于海注二水經此州而入於海百  
川以海為宗雲土夢作又厥土惟塗泥  
包匭青茅匭匣也青

以為菹茅以縮  
酒包匭而貢之金玉砥礪象齒元龜貢篚百物世世以

饒貢篚之物戰戰慄慄至桀荒溢曰我在帝位若天有

日不順一作填庶國孰敢余奪尚書大傳桀曰天之有日猶吾之有民日有亡哉日

亡吾亦亡矣所謂為排于人心亦有成湯果秉其鉞史記湯自

肆行不顧自謂莫予奪也  
把鉞以伐昆放之南巢號之以桀書疏南巢南方遠國

吾遂伐桀  
桀放之遠方南巢茫茫包一作楚與荆楚與荆荆壯荆也楚荆

加以惡名  
木因以風慄以悍氣銳以剛有道後服無道先強公羊

名州  
傳師

在召陵喜服楚也何言乎喜服楚  
楚有王者則後服無王者則先叛  
世雖安平無敢逸豫  
牧臣司荆敢告執御

### 豫州牧箴

郁郁荆河伊雒是經榮播

一作波

泉漆

論語郁乎文哉  
豫州成周故都風

俗文采禹貢注西南至荆山北距河水伊出陸渾惟用  
山洛出上洛山榮澤波水已成遒潞又厥貢漆象

一作周

攸成田田相挈廬廬相距

言人物蕃阜

夏殷不都成周

攸處豫野所居爰在鷄壩

成王命召公卜洛是為成周  
至平王東遷徙居洛邑漢地

理志周地柳七星張之分野也自柳  
三度至張十二度謂之鷄火之次

四隩咸宅寓內莫

如洛邑居天陪臣執命不慮不圖王室陵遲喪其爪牙

靡哲靡聖捐

一作稍

失其正方伯不維韓卒擅命

言周之末其君

臣無謀而方伯之職又廢故韓得以擅其命史記東周與西周戰韓救西周或為東周說韓曰西周故天子之

國多名器重寶王按兵無出可以盡矣文武孔純至厲作昏

成康孔寧至幽作傾

純明也文武成康之業光明安固至厲王而昏晦至幽王而傾亡大

戎之難遂東遷于成周

故有天下者毋曰我大莫或予敗毋曰我

強靡克余亡夏宅九州至於季世放于南巢成康太平

降及周微帶蔽屏營

言衰微不能自存僅自障蔽恐惕不安

屏營不起施

于孫子王赧為極寔絕周祀

史記周后王赧卒秦取九鼎寶器後七歲東西周皆

入于秦周既不祀注既盡也

牧臣司豫敢告柱史

周有柱下史法官也

益州牧箴

一作梁州武帝改梁為益

巖巖民山古曰梁州華陽西極黑水東流

禹貢華陽黑水惟梁州注

東據華山之南西距黑水

茫茫洪波鯨堙降陸于時八都厥民不隤

禹道江沱岷嶓啓乾

鯨堙洪水不知疏導其源故八州之民皆不得宅土安居禹自岷山

導江東別為沱自嶓冢導漢東流為漢皆從其源而疏濬之故自此啓乾水患以平遠近底貢罄

錯砮丹

厥貢璆鐵銀鏤砮磬錯離也砮石鏃華陽國志靈關道江山有砮火燒成鐵丹丹砂也出巴郡

涪陵又出蜀郡徙縣絲麻條暢有粳有稻自京徂畛民攸溫飽地有

桑麻粳稻之利民賴以溫飽自王蠡至梁外境遠近如一帝有桀紂滔沈頗僻遏絕

苗民滅夏殷績危西裔之山也鄭玄引地記書云三危

山在鳥鼠之西南當岷山則是三苗之國境接梁州夏

殷之末苗民負固不服致使梁州道路遏絕不通于中

國禹湯之績至是絕滅爰周受命復古之常商頌自彼氐羌莫敢

周興梁州盡歸王化復夏殷朝貢之常幽厲夷業破

絕為荒此州廢絕為荒服秦作無道三方潰叛義兵

征暴遂國于漢三方三川也高祖起義兵以誅暴拓開

定亂開國于漢言始基于梁之境

疆宇恢梁之野列為十二光羨虞夏

高帝置廣漢郡武帝通巴蜀開羌夷

地置犍為越巂益州牂柯武都沈黎文山七郡并秦時漢中巴蜀隴西四郡共列為十二比虞夏封域為光羨

矣牧臣司梁是職是圖經營盛衰

歷觀前代盛衰不常如此今漢別梁為十

二郡可謂盛矣當慮其衰敢告士夫

### 雍州牧箴

黑水西河

禹貢注西距黑水東據河龍門之河在冀州西

橫截

一作厲

崑崙邪指

閭闔畫為雍垠

崑崙山在西羌天下最高處北極上帝所居閭闔天門也此州之境西則橫截

地樞北則邪指天門言居高據形勝之要

上侵積石下礙龍門

禹貢注積石山在金城西

南河所匯也龍門山在河東之西界侵猶際也自彼氐羌莫敢不來庭莫敢不

來匡

見商頌殷武詩此州不言貢  
匪時為漢京與禹貢冀州同

每在季主常失厥緒

侯紀不貢荒侵其寓

言商周之末

陵遲衰微秦據以戾興兵

山東六國顛沛

當周末造秦據雍州之地  
行其暴戾用兵以制六國

上帝不寧命

漢作京

秦為無道故上帝不寧其居命漢都之爰作京  
邑一本作涼漢地理志武帝改雍曰涼于義亦

通隴山徂以列為西荒

隴山以往則為隴西張掖等郡  
自玉門關至西域皆在荒服

南排勁越北啟彊胡并連屬國一護攸都

武帝時平南  
越分其地為

九郡北伐匈奴得休屠渾邪故地開武威張掖等郡分  
處降者于河南國因其俗置屬國其官有典屬國有都

尉宣帝又置都護使并護諸國蓋女不忘危盛不諱衰  
銘言所以置官統護者蓋于威

安之時防其衰危牧臣司雍敢告綴衣周有綴衣掌王衣服皆左右近臣

### 幽州牧箴

蕩蕩平川惟冀之別

地勢平則川陸皆平此州冀之北北境水土既平之後別為幽州

阮幽都戎夏交偪

堯典宅朔方曰幽都此州之境距朔方幽陰之地故名幽州戎北狄也獫狁

狁獫狁皆是北狄中夏之界其地相偪伊昔唐虞寔為平陸都冀此州寔在五服之內

周末荐臻追于獫鬻

西周之末幽王敗于犬戎即獫鬻也

晉溺其陪周使

不阻

三卿分晉趙據有此地諸侯之卿于天子為陪臣是時周之使命猶通於諸侯

六國擅權

燕趙本都

六國借號稱王燕都冀趙都邯鄲皆幽州境

東限穢貊羨及東胡

穢貉東胡皆東夷國此州之東境距之

彊秦北排蒙公城塏

秦北却匈奴命蒙恬築長

城以大漢初定介狄之荒元戎屢征如風之騰義兵涉拒之

漢偃我邊萌既定且康復古虞唐

漢匈奴傳諸侯畔秦天下擾亂匈奴復渡

河南與中國界于故塞至武帝時命大將軍衛青連年北伐匈奴連適幕南無王庭言自此邊民得以安居而漢之境土遂復唐虞之舊如得休屠王渾邪王故地以為張掖敦煌即是也

盛不可不圖衰

不可或忘隄潰蟻穴器漏箴芒

言中國雖盛當為永圖夷狄雖衰當防其患禍

敗之形常起細微不可忽易

牧臣司幽敢告侍傍

# 并州牧箴

雍別朔方河水悠悠

此言雍別朔方孔安國書注以為并分冀州為幽州并州按雍境東

距西河今并州跨河而有之則兼析雍冀二州境土明矣北辟獫鬻南界涇流

北辟戎狄

于州境之外南距涇水書涇屬渭汭本雍州境也

畫茲朔土正直幽方

正與幽州相直

自昔何為莫敢不來貢莫敢不來王

言夏殷以前

周穆遐征

大戎不享

匈奴傳周道衰穆王伐大戎得四白狼四白鹿以歸自是之後荒服不至

爰貊

一作

藐

伊德侵玩上國宣王命將攘之涇北宗周罔職日用

爽蹉

戎狄由是藐視中國以為德不足以服之肆其侵玩宣王中興僅能馳逐之涇北而已并州境土自

此不入周之職方詩曰薄伐獫狁既不俎豆又不干戈至于太原是也蹉七何反蹉跌也

犬戎作亂斃于驪阿

俎豆文也干戈武也言周宣王以後文德既不足以懷遠武功又不

足以定亂至于幽王遂為犬戎所攻殺死驪山之下太上耀德其次曜兵德兵俱

顛靡不悴荒

申述前意以警後王

牧臣司并敢告執綱

### 交州牧箴

交州荒裔水與天際

在揚州外境交廣之地堯典所謂宅南交蓋荒服夷裔之所居南與

海接越裳是南荒國之外爰自開闢不羈一作馬

不絆周公

攝祚白雉是獻

越裳氏又在交州之南自古未嘗通中國至成王時周公攝政始重譯來獻白

難

昭王陵遲周室是亂越裳絕貢荆楚逆叛

史記昭王瑕康王子

也昭王之時王道微缺南巡狩不返卒於江上不赴四告諱之也注昭王南巡遂伐楚涉漢未濟舟解而溺

國內侵蠶食周宗臻于季報遂以滅亡

言遠人不至則蠻夷叛蠻夷既

叛則諸侯侵侮卒底陵夷以亡其國

大漢受命中國兼該南海之宇聖武

是恢稍稍受羈遂臻黃支杭海三萬來牽其犀盛不可

不憂隆不可不懼

漢興中國境土皆為郡縣惟兩越未臣至孝武時恢拓疆宇始平南越以

其地為九郡又遷閩粵之民而虛其地于是海外黃支國杭海三萬里來貢生犀可謂中國極盛之時盛極則

必衰安可忘其戒懼顧瞻陵遲而忘其規摹亡國多逸豫而存國

多難

逸豫則生驕荒多難則知警懼孟子曰入則無

法家拂士出則無敵國外患者國恒亡難去聲泉

竭中虛池竭瀕乾

泉水之源中虛則竭池水之涸外乾則竭交州猶池之瀕也以論衰敗之

萌各有其證用詩召旻之詞

牧臣司交敢告執憲

古文苑卷十四

欽定四庫全書

古文苑卷十五

宋 章樵 註

箴

揚雄

光祿勳箴

漢書百官表郎中令秦官掌宮殿掖門戶武帝太初元年更名光祿勳屬

官有大夫郎謁者大夫掌議論郎掌守門戶謁者掌賓贊受事

經兆宮室畫為中外廊殿門閭限以禁界國有周衛周

有周廬之衛謂衛士之廬舍周匝王宮也民有藩籬各有攸保守以不岐岐

貳也岐一作敗

昔在夏殷桀紂淫酒特牛之飲

劉向新序桀為酒池糟隄縱靡

靡之樂一鼓而牛飲者三千人三輔黃圖秦酒池在長安城中飲者皆抵牛飲特字當作抵謂以手據地如牛

門戶荒亂郎雖執戟謁者參差

郎雖備員執戟以衛賓謁不肅出入無度殿

中成市或鼓或鞀忘其廊廟而聚夫逋逃四方多罪載

號載嗽

書泰誓惟四方之多罪逋逃是崇是長是信是使蕩詩曰式號式呼俾晝作夜

內不可

不省外不可不清德人立朝議士充庭

有德進則公祿論明朝廷肅

臣司光敢告執經

經綱也

衛尉箴

衛尉秦官掌宮門衛屯兵屬官有司馬衛士旅賁三令丞

茫茫上天崇高其居設置山險畫為防禦

易天險不可升也地險山

川丘陵也王公設險以守其國

重垠

一作限

累垓以難不律闢為城衛以

待暴客

易重門擊柝以待暴客

國有以固民

一作人

以有內各保其

守永修不敗維昔庶僚官得其人荷戈而歌中外以堅

庶僚謂宿衛官如成周宮伯宮正虎賁太僕司隸之職歌字疑是趨字旅賁氏執戈盾夾王車而趨或曰歌謂

衛士優閒而和樂中謂王在宮則有居衛外謂王出則有行衛皆堅密而整脩

齊桓怵惕宿衛

不飭

一作初

門非其人戶廢其職

齊桓怵惕於功利作內政之法而成周宿衛之

制盡

曹子標劍遂成其詐

公羊傳莊十三年公會齊侯盟于柯升墮曹子手劍而從

之願請汝陽之田桓公與之盟曹子  
標劍而去之曹劄也劫桓公而要盟  
軻挾匕首而衛人

不寤

史記荆軻持匕首逐秦王羣臣皆愕諸郎中執兵皆陳殿下不得上

二世妄宿敗於

望夷閣樂矯搜戰者不誑

史記二世齋于望夷宮趙高與其婿閻樂謀詐為有賊將

吏卒千餘人至望夷宮殿門斬衛令直將吏人即尉臣官皆驚走樂麾其兵進二世自殺誑謂誰何也

司衛敢告執維

維猶經也

太僕箴

太僕秦官掌與馬應劭曰周穆王之  
所置也書序穆王命伯冏為太僕正

肅肅太僕車馬是供鏘鏘和鸞

車上鈴也詩和鸞鏘鏘左傳錫鸞和鈴

駕

彼時龍

易時乘六龍以御天王駕六馬故借用周禮馬八尺為龍

昔在上帝巡狩四

宅

謂時巡至于方嶽之下

王用三驅前禽是射

易王用三驅失前禽禮不合圍也

紂作不令武王征殷檀車孔夏四驥孔昕

大明詩牧野洋洋檀車煌

煌四驥彭彭涼彼武王肆伐大商疏檀木之兵車驥駟馬赤色黑鬣也檀弓亦言戎事乘驥因武王所乘遂為

一代常法

僕夫執絳

音絳轡也詩絳革冲冲

載駢載駟我輿云安戎馬

惟閑雖馳雖驅匪逸匪愆

以上言車馬皆有法度如此

昔有一作淫

羿馳騁忘歸

羿好馳騁田獵即虞歲所謂冒于原獸也

景公千駟而淫於齊

論語齊景公有馬千駟民無德而稱焉

詩好牡馬牧於坵野輦車就牧而

詩人興魯

魯頌駟駟牡馬在坵之野又曰以車彭彭思無疆思馬斯臧此詩贊美魯僖公雖名為頌

寔猶寔也寔焚問人仲尼厚醜醜類也問人而不問孟子蓋

惡夫廐多肥馬而野有餓殍方九反斃也僕臣司駕敢

告執皂皂隸也左傳臺臣皂

廷尉箴

廷尉秦官掌刑辟景帝更名大理復為廷尉

天降五刑惟夏之績書天討有罪五刑五用哉言天設此五刑而制其輕重惟夏禹之功

故穆王訓夏肅刑亂茲平民不回不辟治亂曰亂回辟皆邪也辟與僻同昔在

蚩尤爰作淫刑延于苗民夏氏一作天下不寧禹征苗殄絕其世見呂刑

之穆王耄荒甫侯伊謀五刑訓天周以阜基呂刑惟呂命王享國

百年耄荒度作刑以誥四方訓天謂稱天以訓刑也  
其書可見呂侯後為甫侯故或稱甫刑禮記凡制五刑  
必即天論也厥後凌遲上帝不觐論語觐不觐酒器有觐取其形制之觐後因以為名

叔世任情漫焉無法猶觐之不觐也天監在上亦不觐之矣周經其制秦繁其辜五

刑紛紛靡遏靡止冠賊滿山刑者半道漢刑法志秦用商鞅造參夷之

誅增加肉刑至于始皇專任刑罰姦邪並生赭衣塞路天下愁怨潰而叛之昔唐虞象刑天

民是全書方施象刑惟明楊子垂拱而視天民之阜紂作炮烙墜民于淵劉向

列女傳紂為炮烙之法膏銅柱加之炭令有罪者行其上輒墮炭中故有國者無云何畏

是刑是剝無云何害是剝是割一作割惟虐惟殺人莫予

秦殷以刑顛秦以酷敗獄臣司理敢告執謁

主宥客之謁者

大鴻臚箴

典客秦官掌諸侯及歸義蠻夷武帝更名大鴻臚

蕩蕩唐虞經通垓極

論語蕩蕩乎民無能名焉垓極謂四荒之垓除也

陶陶百

王天工人力

書天工人其代之

畫為上下羅

一作該羅

條百職人有

材能寮有級差遷能授官各有攸宜主以不廢官以不

隳昔在三代二季不蠲

夏商之季謂桀紂不蠲言昏濁也

穢德慢道署

非其人

署謂建置也

人失其材職反其官案寮荒老國政如

漫文不可武武不可文

言文武之職各有攸司

大小上下不可奪

倫鴻臣司爵敢告在隣

君之左右虞書欽四隣

宗正箴

宗正秦官掌親屬周成王之時彤伯為宗伯

巍巍帝堯欽親九族

論語巍巍乎其有成功堯典欽明文思以親九族

經哲宗

伯禮有攸訓

虞書伯夷為秩宗成王時彤伯為宗伯皆掌禮之官

屬有攸籍各有

育

又裔

子世以不錯

育與胄同義書注胄長也說文引教胄子胄子正則世系不紊亂言國家

之本

昔在夏時太康不恭有仍二女五子家降

太康夏啓子也

盤于遊田為羿所逐不得返國五子太康五弟也詳見書五子之歌家降謂太康失邦五子皆降而為家楚詞

夏康娛以自縱不顧難以國後兮五子用失乎家術有仍氏國名

晉獻悖統宋宣亂序

晉獻公惑於驪姬太子申生遭譖而自殺晉立齊桓不

寔齊卓子皆遇弑宋宣公舍其子而立弟繆公齊桓不

緒

周譏戎女

周襄王以翟女為后翟入周王出奔鄭

魯喜子同

魯桓公六年子同生

公羊子曰高作秦崇而扶蘇被凶宗廟荒墟冤靈靡附

喜有正也秦始皇死於沙丘趙高矯詔賜太子扶蘇死而立胡亥秦以亡伯臣司宗敢告執主宗

廟之木主者

大司農箴

治粟內史秦官掌穀貨景帝更名大農令武帝更名大司農屬官有太倉

均輸平準都內籍田五令丞

時惟大農爰司金穀自京徂荒粒民是斛

由天子之都至荒服養民

則均書  
民乃粒

肇自厥初寔施惟食厥僚后稷有無遷易

唐虞

時弃居稷官書  
恐遷有無化居

寔均寔羸惟都作程旁求衣食厥民攸

生上稽二帝下閱三王什一而征為民作常遠近貢篚

百姓一作不忘

貢助徹皆什一也是為經常之法篚什一之外則有貢篚之物以遠近為差見

禹貢帝王之盛咸在農殖季周爛漫而東作不勅膏腴不

獲庶物並荒

自周宣王不籍千畝是後人君不知  
務農重穀時則有楚茨甫田等刺詩

府藏

單虛靡積靡倉

藏去聲公劉  
詩迺積迺倉

陵遲衰微姬卒以瘁

瘁病也

秦收大半二世不瘳泣血之求海內無聊秦廢井田之

法收大半之

賦二世而忘民罹  
荼毒至于泣血

農臣司均敢告執繇

與徭同役也

少府箴

少府秦官掌山海池澤之稅以給供養

寔寔少府奉養是供紀經九品臣子攸同

言上以奉養一人與下以

康給百官財用寔相通

海內幣帑祁祁如雲家有孝子官有忠臣

其僚率舊聖則越遵

聖立則度所當遵守越與粵同

民以不擾國以不

煩昔在帝季癸辛之世酒池糟隄而象箸以噬

癸桀名辛紂名

二君淫酒以酒為池積糟為隄又紂為象箸而箕子唏

至於耽樂流酒而坦末作

崇姐已未喜崇  
紂之嬖妾

其僚不御不恢復殷喪其國康而卒以

陵遲嗜不可不察欲不可不圖未嘗失之於約常失于

奢府臣司共敢告執觚

共與供同觚  
酒器有稜者

執金吾箴

中尉秦官掌徼循京師武帝更名爲  
執金吾應邵曰吾禦也執金革以禦

非常顏師古曰金吾鳥名也主辟不  
祥職主先導執此鳥之象因以名官

溫溫唐虞重襲純孰經表九德張設武官

揚子溫溫乎  
其和可知言

重熙累洽之世武臣亦不可以御復賦如虎如牙如鷹  
發虞書九德咸事俊乂任官

有爪

詩祈父予  
王之爪牙

國以自固獸以自保牙爪蔥蔥動作宜

時用之不理實反生灾

慈慈銛利貌言威武不可輕用

秦政

始皇名

暴戾

播其威虐亡其仁義而思其殘酷猛不可重任威不可

獨行堯咨虞舜惟思是尚

思字當作欽

吾臣司金

據此則應卻之說是

敢告執璫

執玉文臣

將作大匠箴

將作少府秦官掌治宮室景帝更名將作大匠

侃侃將作經構宮室墻以禦風宇以蔽日寒暑攸除鳥

鼠攸去

詩斯千風雨攸除鳥鼠攸去

王有宮殿民有宅居

上下俱欲得其安

昔在帝世茅茨土階夏卑宮觀在彼溝洫

堯舜之世茅茨不剪土階

三尺論語禹卑宮室而盡力乎溝洫  
桀作瑤臺紂為璇璣一作室室人力不堪

而帝業不卒玉飾其居詩咏宣王由儉改奢詩斯干宣王考室也

其詩曰築室百堵西南其戶又曰上觀豐上六大屋小堯下簞乃安斯寢皆儉約之制也

家易豐卦上六豐其屋節其家春秋譏刺書彼泉臺兩觀雉門而魯

以不恢春秋文十六年毀泉臺定二年新或作長府而

閔子不仁論語魯人為長府閔子曰何必改秦築驪阿

嬴姓以顛秦役作驪山又築阿房宮未成而秦亡故人

君母云我貴穰題是遂母云我富淫作極遊在彼墻屋

而忘其國戮作臣司匠敢告執猷

城門校尉箴

城門校尉掌京師城門也兵有司馬十二城門候

幽幽山川徑塞九路盤石唐芒襲險重固

此天地自然之險

國

有城溝家有柝柵各有攸堅民以不虞

大小各有所宜

德懷其

內險難其外王公設險而承以盤蓋

易坎卦王公設險以守其國盤所以

藉其下蓋所以護其上言先王以德覆露斯民而安集之猶器之有盤蓋不獨恃城池以為德

昔在上

世有殷有夏

言夏殷先哲王定有天下之號以傳之子孫

癸辛不德而設夫

險阻湯武爰征而莫遏莫禦

說苑吳起對魏武侯曰夏桀之居左河濟右太華伊

闕在其南羊腸在其北修政不仁湯放之殷紂之國左  
孟門右太行常山在其北大河經其南修政不德武王  
伐之由此觀之在德不在險作君之危書無安厥位惟危不可德少而城溝

伊保不可德稀而城溝是依唐虞長德而四海永懷秦

恢長城而天下畔乖

秦逆天地而為險故天下潰畔

尉臣司城敢告侍

階

上林苑令箴

武帝初置水衡都尉掌上林苑屬官有上林令丞

茫茫大田芄芄作穀山有征

一作陸

野有林麓夷原汚

藪禽獸攸伏魚鱉以時芻蕘咸殖國以殷富民以家給

言山澤之利古之有國者與民共之孟子文王之囿方七十里藟藿雉兔者往焉

昔在帝舜共

田徑游

昇方奪民利以山澤供一人之游田共與供通徑謂往來馳逐于其間

弧矢是尚

而射夫封豬不顧於愆卒遇後憂

即虞歲所逮封豬大豕也

是以田

獲三驅不可過差

易田獲三品又王用三驅言田雖貴于有獲不可廢三驅之禮合圍而過

取麇鹿攸伏不如德至

靈臺詩言文王有靈德也其衡詞曰王在靈囿麇鹿攸伏

臣司虞敢告執指

司空箴

古官虞書伯禹作司空馬融曰司空平土以居民

普彼坤靈侔天作則

坤之廣配乾之大乾卦曰乃見天則

分制五服劃為

萬國

黃帝分封諸侯百里之國萬區禹平水土弼成五服謂天子之畿外別為甸侯要荒蠻服也

乃

立地官空惟是職茫茫九州都鄙盈區

周禮四縣為都注都之所居曰

鄙

綱以羣牧綴以方侯

古者州置牧以統之故曰綱又聯以方伯諸侯之職烈烈

雋又翼翼王臣臣當其官官宜其人九一之政

孟子諸野九一

而助即井地之政也

七賦以均

揚子法言七賦之所養注七賦五穀桑麻

昔在李葉班

祿遺賢培克充朝

班與顏同孟子周室班爵祿又培克在位

而象恭滔天靜

言腐違象恭滔天注貌象恭敬而心傲狠若漫天

匪人斯力匪政斯勅

所任者非人所

修者流貨市寵而苞苴是鬻

苞苴謂苞裏以充賄賂也記苞湯禱旱之詞曰苞苴

行耶王路斯蕪孰不傾覆空臣司土敢告在側

太常箴

奉常秦官掌宗廟禮儀景帝更名太常師古曰太常王者之旗蓋日月馬禮官

奉侍之故曰奉常後改太常尊大之義也

翼翼太常實為宗伯穆穆靈祇寢廟弈弈

魯頌路寢孔安新廟奕奕

注奕奕姣美也

稱秩元祀班于羣神

各稱其宜而秩序之班列也或曰稱舉也平聲

我

祀既祇我粢孔黜匪愆

一作借

匪忒公尸

又君于

攸宜

宗廟祭祀

有尸有祀周詩公尸來燕來宜

弗祈弗求惟德之報不矯不誣庶無罪

悔

祭祀以祇敬為上所報德非為祈福周詩后稷肇祀庶無罪悔以迄于今

昔在成湯葛

為不弔棄禮慢祖

孟子于葛伯不祀湯使人遺之牛  
羊葛伯食之又祀故湯征之夔子

不祀楚師是虜

左傳夔子不祀祝融與鬻熊  
楚師滅夔以夔子歸

魯人躋僖臧

文不悟

文二年有事于太廟躋僖公三傳皆云逆祀也  
孔子曰臧文仲不仁者三不知者三躋僖公居

其文蘧太室桓納郕賂

文十三年太室屋壞桓三年取  
郕大鼎于宋納于太廟左氏曰

宋以郕大鼎賂公  
納于太廟非禮也

災降二宮用誥不祧

春秋哀三年五  
月辛卯桓宮僖

宮灾夫子在陳聞火曰其桓僖乎杜預  
注言桓僖親盡而廟不毀宜為天所灾

故聖人在位無

曰我貴慢行繁祭無曰我材輕身恃亟東隣之犧牛不

如西鄰麥魚

易東鄰殺牛不如西隣之禴祭注東隣謂  
紂西鄰謂文王何休公羊傳注夏口初薦

尚參

秦殞望夷

見衛尉  
歲注

隱斃鍾巫

魯隱公祭鍾巫館  
于為氏為賊所弑常

臣司宗敢告執書

尚書箴

漢官儀尚書唐虞官也龍作納言詩云  
仲山甫王之喉舌秦改稱尚書漢亦尊

此官典  
機密也

皇皇聖哲允勅百工命作齋慄龍為納言

見舜  
典

是機是

密出入朕命王之喉舌

見燕  
氏詩

獻善宣美而讒說是折我

視云明我聽云聰載夙載夜惟允惟恭

言臣能開明善  
道折絕讒邪則

人主視聽聰明書朕聖讒說殄行  
命汝作納言夙夜出納朕命惟允

故君子在室出言如

風動於民人

易繫辭君子居其室出其言善則千里之外應之

渙其大號而萬

國信

易渙卦渙汗其大號

春秋譏漏言

春秋文六年晉殺其大夫陽處父穀梁傳曰君漏言

也易稱不密則失臣

繫辭亂之所由生也則言語以為階君不密則失臣

允吉其

和巽吝其頻

易允初九和允吉巽九二頻巽吝允為口舌巽主申命也

書稱其明申

申厥鄰

見益稷篇

昔秦尚權詐官非其人符璽竊發而扶蘇

隕身一姦愆命七廟為墟

秦以宮者趙高行符璽事及始皇崩詐為璽書賜扶蘇死

卒以秦威福同門牀上維辜

易巽在牀下此言牀上謂命令始制未宣布之時于此不

謹定基禍亂

書臣司命敢告侍隅

博士箴

博士秦官掌通古今秋比六百石負多至數十人武帝置五經博士

洋洋三代典禮是修

史記禮書洋洋美德乎觀三代損益洽情而制禮

畫為辟

雍國有學校侯有泮宮

王制學天子曰辟雍諸侯曰泮宮

各有攸教德

用不陵

不僭也

昔在文王經啓其軌

詩經始靈臺於樂辟雍

勗于德

音而思皇多士多士作楨惟周以寧

詩大雅貊其德音又思皇多士生此

王國維周之楨濟濟多士文王以寧

國人興讓虞芮質成

詩虞芮質厥成注虞芮之君相

與爭田往質于西伯入周境見國

公劉挹行潦洒濁亂

斯清

詩曰洵酌彼行潦挹彼注茲可以濯漑

官操

一作所

斬切執  
伏也

其業士執其經昔聖人之綏俗莫美于施化故

孔子觀夫大學而知為王之易易

禮鄉飲酒孔子曰吾觀于鄉而知王道之

易易也禮行于鄉庠故云學

大舜南面無為而衽席平

舜恭己南面不下席而天

下還師階級之

一本無級之二字

間三苗以懷

虞書班師振旅帝乃誕敷文德

無干羽于兩階七旬有苗格

秦作無道斬決天紀漫彼王迹而坑夫

術士詩書是泯家言是守俎豆不陳而顛其社稷

始皇絕滅

三代之禮學坑儒焚書存而不毀者惟秦之圖籍

故仲尼不對問陳而胡篋是

導

一作道論語衛靈公問陳對以俎豆之事左傳哀十一年衛孔文子之將攻太叔也訪于仲尼曰胡篋之


事則嘗學之矣甲兵之事未之聞  
也注胡簋禮器名夏曰胡周曰簋  
原伯非學而閔子知

周之不振

左傳昭十八年周原伯簋不說學閔子馬曰周其亂乎夫人患失而惑又曰可以無學乎

是乎下陵上替能無亂乎注原伯魯周大夫

儒臣司典敢告在賓



古文苑卷十五

欽定四庫全書

集部

古文苑卷二十六至  
二十一

詳校官內閣學士臣瑞保

助教臣常循覆勘

總校官知縣臣繆琪

校對官編修臣范來宗

謄錄監生臣李鳳丹

欽定四庫全書

古文苑卷十六

宋 章樵 註

歲

雀駟

太尉歲

太尉秦官金印紫綬掌武事武帝元狩四年初置大司馬位在丞相上後復為

太尉更置不常

天官冢宰庶僚之師師錫有帝命虞作尉

尚書中候云舜為太尉古

史考曰舜居百揆總領百事周更名冢宰詳見後志註

爰叶台極爰平國域制軍

詰禁王旅惟式九州用綏羣公咸治

冢宰均平四海統理百官

干戈

載戢宿纒其紀

西方白虎七宿主兵

上之云據下之云戴

應劭曰自上安

下曰

苟非其人歟我帝載昔周人思文公而名南詠甘

棠

周召分陝而治周公為太師兼行冢宰周公既沒謚曰文召公為太保領冢宰之職甘棠詩見召南

吾隆夏

鄭語昆吾為夏伯注祝融之孫名樊已姓封於昆吳

伊摯盛商

伊尹名摯相湯伐桀

四臣皆三公主兵者足以繫人心尊國勢

季世頗僻禮用不匡無曰我強莫

余敢喪無曰我大輕戰好殺紂師百萬卒以不艾宰臣

司馬敢告在際

河南尹箴

後漢郡國志河南尹二十城雒陽縣周時號成周河南縣周公時所城

洛邑也世祖都雒陽改曰河南尹

茫茫天區畫冀為京

堯舜禹都皆在冀

滴邑翼翼四方是營

都商

唐詩云商邑翼翼四方之極

唐虞商周河洛是居

言四代所都皆在河洛之間

成

王邾邠以處鶉墟

成王定鼎邾邠即河南地也屬鶉火之次

諸夏勁強是從

是橫徹我墻屋而師尹不匡

自平王東遷之後王室不競諸侯爭強王畿之地日

削尹氏不能正之

霸奪其權宗器以分圖籍遷齊九鼎入秦

後

事見戰國策大抵周自東遷以後宗器圖籍散失及其亡也史記稱秦取九鼎寶器或曰九鼎淪於泗水非諸

國所  
可得

司徒歲

古官舜命契為司徒敬敷五教  
孔安國曰主徒衆教以禮義

天鑒在下仁德是興

命官掌教所以興仁

乃立司徒亂茲黎烝

治亂

曰茫茫庶域率土祁祁民具爾瞻四方是維

詩赫赫尹民具爾

瞻四方是維  
天子是毗

乾乾夕惕靡怠靡違敬敷五教

書注布五  
常之教

九德咸事嗇人用章

皋陶謨九德咸事俊人  
在官洪範俊民用章

黔眚是富

無曰余恃忘予爾輔無曰余聖以忽執政匪用其良乃

荒厥命庶績不怡疚予爾祿豐其折右而鼎覆其餗

易豐

九三折其右肱終不可用也鼎  
九四鼎折足覆公餗其形渥也

書歌股肱

虞書股肱情哉萬事靡哉

詩刺南山尹氏不堪國度斯憊

詩節南山家父刺幽王也其詩曰尹氏太師維

周之氏不平謂何

徒臣司衆敢告執藩

大理箴

大理掌刑獄見前廷尉注

邈矣臯陶翊唐作士

虞書帝曰臯陶汝作士明于五刑注士理官也

設為犴狴

九刑允理

左傳周作九刑

如石之平

石稱之權所以鈞物者也書關石和鈞

如淵

之清三槐九棘以質以聽

周官王之治朝面三槐左右九棘聽獄其下質謂以獄成

告于罪人斯殛凶旅斯屏

謂去四凶

熙又帝載旁施作明

書有

能奮庸熙帝之載又昔在仲尼哀矜聖人論語如得其

舉陶方施象刑惟明

明

昔在仲尼哀矜聖人

情則哀矜而

勿子罕禮刑衛人釋艱借用子罕言利意謂聖人謹重

喜子罕禮刑衛人釋艱

禮刑不容易言之蓋欲保衛斯

民而釋除其艱厄如論語言齊之以刑齊之以禮左傳

晉鑄刑書於鼎仲尼曰人在鼎矣何以尊法將棄禮而

證書也無非釋之其忠勲亮孝文漢書張釋之文帝時

意在衛氏

釋之其忠勲亮孝文

為廷尉奏盜環犯蹕

之獄文于公哀寡定國廣門于公辨東海孝婦冤獄自

帝是之于公哀寡定國廣門

謂治獄多陰德于孫必有

興者令高大閭門至子定國為丞相封侯復哉邈矣舊訓不遵主慢臣驕虐

子定國為丞相封侯

復哉邈矣舊訓不遵主慢臣驕虐

用其民賞以崇欲刑以肆忿叶平聲紂作炮烙周人滅殷

用其民賞以崇欲刑以肆忿

叶平聲

紂作炮烙周人滅殷

西伯獻洛西之地請紂去炮烙之刑至武王滅紂夏用淫刑湯誓其軍湯誓曰

西伯獻洛西之地請紂去

夏用淫刑湯誓其軍

湯誓曰

罪天命

衛鞅酷烈卒殞于秦

衛鞅當臨渭錄囚渭水為之赤卒以得罪秦車裂鞅

以不疑加害禍不反身

漢昭帝時有一男于詣北闕自稱衛太子詔使公卿識視右將

軍勒兵闕下以備非常京兆尹雋不疑叱從吏收縛遂詔送獄卒伏其辜反一本作及

嗟茲大理

慎于爾官賞不可不思斷不可不虔

人主任用理官當加謹重如孝公之

封商鞅則失於不思其弊如昭帝之任不疑則有斷而能審

或有忠能被害

比干伍胥之倫

或有孝而見殘

伯奇中生之類

吳沈伍胥

子胥盡忠吳王賜之屬鏤之劍以死浮其

尸於江殷剖比干

史記比干強諫紂怒曰吾聞聖人之心有七竅剖比干觀其心

莫遂爾

情是截是刑無遂爾心以速以殛

截剗也剗刑之屬速當作刺七賜反殺也

周官司寇有三刺之法有四刺之官殛流竄之類  
一云誅也舜殛鯀于羽山叶韻合云以殛于刺天鑒

在顏

齊語天威不遠顏咫尺顏眉目之間也

無細不錄福善災惡其效甚

速理臣司律敢告執獄

崔瑗

東觀歲

黃帝命沮誦倉頡為左右史夏商有太史周有大史小史內史外史至漢東京

圖書悉在東觀使名儒碩學直之撰述國史

洋洋東觀古之史官三墳五典靡義不貫左書右

記其言

禮云勅則左史書之言則右史書之

辛尹顧訪文武明宣

周語大王訪于

辛尹注辛甲尹 倚相見寶荊國以安 左傳楚靈王謂子

仇皆周太史 良史也于善視之是能 何以季世咆哮不虔 蕩之詩曰

讀三墳五典八索九丘 國在強奮矯而戮彼逢干 言集紂暴虐自恣殺諫臣

巫監謗國莫敢言 周厲王使衛巫監謗者以告則殺之

狐突見斥淖齒見殘 說苑狐突曰與其久生亂世也不

而殺之言人主失道則 焚文坑儒羸反為漢 羸秦姓

忠良疎奔賊臣必興 蠱之毒殘者數萬 江充傳巫蠱獄

是以明哲先識擇木而處 就所安也左 夏終殷摯周聃

晉黍或笑或泣抱籍遁走

呂氏春秋夏太史終古見禁惑亂載其圖法奔商太史

向摯見紂迷亂載其圖法奔周晉太史屠黍見晉之亂亦以其圖法歸周聃即老聃當為周藏室史三葉

靖公果喪厥緒宗廟隨夷遠之荆楚

晉自幽公時益衰微反朝韓趙魏之

君其後三世至靖公三國盡分其地晉絕不祀

麥秀之歌

借用箕子過殷墟事

億載不腐

史臣司藝敢告侍後

關都尉箴

漢百官表關都尉秦官

茫茫九州規為關津

規度也度地之形勢而設險

唐堯積德三代修

仁

帝王以德仁為固

越季不軌爰失厥人聖賢不用頑嚚是親

漢潰武關項破函谷秦王子嬰縊為禽僕史記漢元年十月沛公破

秦軍入武關遂至霸上子嬰係頸以組降枳道旁禽僕猶奴虜也十一月項羽攻破函谷關言關之設險不足

恃尉臣司關敢告並轂也

河隄謁者箴

漢成帝時河隄大壞以校尉王延世領河隄謁者秩千石洪邁隨筆

漢官名有不書於百官表因事乃見者如河隄謁者因王延世塞決河而見豈非因事置官事已即罷乎後漢循吏傳注或名其官為護都水使者

伊昔鴻泉浩浩滔天

楚詞鴻泉極深何以窺之書洪水方割浩浩滔天

有夏作

空爰奠山川

書伯禹作司空又奠高山大川

導河積石鑿于龍門疏為

砥柱率彼河澨大陸既礪播于北野濟漯咸順沂泗從

流江淮湯湯而冀宅乃州衆水各由其道帝都始安澹菑濺濺澹然順流

菑害不作東歸於海九野孔安四隩不殆並見禹貢爰及周衰夏

績陵遲導非其導堙非其堙八野填淤水高民居湓湓

滂汨禹導河至鉅鹿之北分為九河以殺水勢又合為一大河入于渤海至齊威公時急於功利寘塞其

入以廣田居於是水勢壅關屢決金隄瓠子潏潏宣房

作歌史記孝文時河潰金隄武帝元光中河決瓠子天子自臨決河作歌曰河湯湯兮激潏潏宣房塞兮

萬福來卒塞瓠子築使臣司水敢告執河掌河渠之官

尚書歲

事源見前注尚書有三歲則前篇揚雄所作審矣

龍作納言帝命惟允

虞書帝曰龍命汝作納言夙夜出內朕命惟允

山甫翼周

實司喉吻

烝民詩出內朕命王之喉舌

赫赫禁臺萬邦所庭

直也無曰

我平而慢爾衡無曰我審而怠爾明四岳阿鯨績用不

成

堯典四岳薦鯨治水九載績用弗成

虞登八元五教聿清

左傳舜舉八元使布五教

于四方內平外成注契為司徒在八元之中

舉涉其私乃忝服榮正直是與

伊道之經先民匪懈永世流聲

周詩靖共爾位正直是與先民古昔賢人也商

書先民時若言古之賢者躬行此道未嘗懈弛故名譽傳於後世

君子下問敢告侍庭

北軍中候歲

後百官志舊有中壘校尉領北軍營壘之事中興省但置中候以監

五營屯騎越騎步兵長水射聲五校尉皆屬焉

赫赫將帥典摠虎臣

謂虎賁之士

鷹揚旅武

詩時維鷹揚

闐然奮

震

叶韻平聲

贊衣近侍常伯之人

周書立政常伯常任準人綴衣虎賁注常所長事皆

左右近臣怒如熊力角焉任均操兵左右百夫衛賓昔在高

祖草創伊神鴻門之會職多末陳

末陳謂騎士輩也時從行僅百餘騎

或

有劍舞賴有傾身

高祖會項羽于鴻門亞父令項莊拔劍舞欲擊高祖樊噲聞事急持盾直

入營請羽高祖從間道走軍

孔子歷堦文武定申以人士拜齊無其

臣魯定公會齊侯于夾谷孔子相曰有文事者必有武備請具左右司馬至會所孔子歷階而進却萊人斬

侏儒齊侯懼遂歸侵疆以人士拜謂齊有秦政東遊大

盜輩羣秦始皇名政東遊至陽武博浪沙中期門不設為盜所驚求弗得令天下大索十日

施巧銳騎不在備員故圖遠秉機事有殷勤殷勤在親

親無常人期門銳騎皆軍名殷勤謂上所親厚之人也

心則人人皆知忽情懈怠禍慢及君憲臣司武敢告執親君而衛上

軍

司隸校尉箴

司隸校尉漢官掌徒隸而巡察武帝初置持節從中都官徒千二百

人捕巫蠱督大姦猾後罷  
其兵察三輔三河弘農

煌煌古制分劃五服

書鄉成五服

翼翼封畿四方之極

詩商邑翼翼

翼四方之極

牧監匡設是謂王國

周禮施典于邦國而建其牧立其監

大漢通

變崇弘簡易吞舟之網以濟難阨

漢初法禁疎闊所以濟時之艱危未置督

察之

自時厥後或慢或遲綉衣四出禍起宮闈江充作

亂辱于戾園率隸掘蠱以詰其姦

江充傳拜直指綉衣使者督三輔盜賊充

奏言宮中有蠱氣遂掘蠱於太子宮衛太子謚戾置園邑故曰戾園

既定既寧爰遂其官

俾督京甸時惟鷹鷂

言巫蠱事既定司隸之官遂不廢俾察姦盜左傳見無禮於君者誅

之如鷹鷂之逐鳥雀也

必正必武國之司直乃回乃邪寔為讒慝

毀於貞賢悔其何及

言司隸設官所繫甚重不可任非其人

昔唐虞晏晏

庶績以熙嬴氏慘慘怨毒用滋是故履上位者無云我

貴苟任激訐

激訐小人譏賊亂邦人主當遠之

平陽玄默以式百辟畫

一之歌豈猶遐邇

丞相平陽侯曹參以玄默清淨為治民作畫一之歌距今猶未遠宜取以

為法使臣司隸敢告執役

郡太守箴

郡守秦官掌治其郡秩二千石景帝更名太守

有羸驅除焚典紀舊蕩滅蕃畿罷侯置守

此下有闕文羸秦非正統

特為王者之驅除焚典籍之舊廢封建  
之法分天下為三十六郡郡各置守  
秦發閭左陳涉

奮威

二世發閭左之  
戍陳勝等作亂

楚築乾谿靈王不歸

楚靈王名圍  
左傳楚子次

于乾谿將求鼎于周公子  
比作亂王縊于申亥氏

征遐由近可不肅祗言秦欲  
備胡楚

欲圖天下而  
禍發於近

守臣司境敢告執機

胡廣

一作  
崔瑗

侍中箴

侍中中常侍得入  
禁中皆漢加官也

皇矣聖上神居天處

言其  
尊嚴

勤求後良是弼是輔

古者君  
側皆選

用賢德至漢  
猶參用儒士

匪懈于位庶工以序昔在周文創德西隣

勗聞上帝賴茲四臣

文王興于岐周故曰西鄰君奭曰迪見冒聞于帝惟茲四人正義詩

稱文王有疏附先

後奔走禦侮之臣辛尹是訪八虞是詢

周語文王訪于辛尹詢于八虞

辛甲尹佚皆周大史八虞即論語所稱八士

濟濟多士又用有勲洪範又文

公欽若越興周道亦惟先正克慎左右常伯常任寔為

政首

周公旦謚曰文敬順文王之道先正謂周公也作立政之書以戒成王首以王左右常伯常任為告

降及厲王不祇不恪暱彼蔡夷用肆其虐惟敗天命冠

賊

一作戎

並作圯墜宗緒寢廟靡託

史記厲王好利近蔡夷公專利暴虐國人

畔之出

奔於彘無曰我賢不選至親無曰我任妄用嬖人籍閱

飾顏穢我神武

史記佞幸傳籍孺閹孺以佞倖貴幸與上卧起孝惠時詔侍中皆傅脂粉化閹

籍之屬也神武指高祖惠帝

鄧通擅鑄不終厥後

鄧通幸於孝文賜之蜀嚴道銅山得

自鑄錢通後錢死

中書竊命石弘作禍

漢書佞幸傳石顯弘恭皆少坐腐刑宣帝時在

中書官作禍言譖殺蕭望之周堪等

高安斷袂哀用無主

董賢幸於哀帝嘗與上晝寢偏

藉上褒賢未覺上斷褒而起後封高安侯無主猶不祀褒音袖

侍中司中敢告執矩

崔寔

附

諫大夫歲

大夫掌議論武帝初置諫大夫秩比六百石

於昭上帝迪茲既哲匪于水鑒惟人是察

周書人無於水監當於民

監處有誦訓出有旅賁

其語在與有旅賁之規倚几有誦訓之諫

木鐸之求

爰納道人各有攸訊政以不紛

夏書道人以木鐸徇于路官師相規工執藝事

以諫昔在大禹拜承昌言

虞書禹拜昌言曰兪

癸辛暴戾虐及于天

桀紂暴戾拒諫亡國絕祀虐及祖宗之在天者

逢于周厲

逢當作逮

慢德不蠲

蠲潔也言

慢德淫穢不服蠲潔

煦煦胥讒人謗乃作不顧厥愆是討是格庶

類不堪流之彘宅防人之口譬諸防川豈不速止潰乃

潺湲

周語厲王使衛巫監謗者國人莫敢言召公曰民不堪命矣防民之口甚於防川川壅而潰傷人必

多王不聽三年國人叛流王于彘

潺湲尚塞言擁為賊默默之患用顛

厥國

詭范孔子曰武王諤諤而昌紂嘿嘿而亡嘿嘿不聞諫諍也

諫臣司議敢告執

翼

張華

尚書今歲

尚書秦官漢因之漢初用士人為尚書令秩二千石晉公卿禮秩云尚書

令拜則冊命

明明先王開國承家

易大君有命開國承家

作制垂憲仰觀列曜

俯令百官改用罔憊

先王建立百官皆取法天象詳見天官書

昔舜納大麓

七政以齊內成外平而風雨不迷

書納于大麓烈風雷雨弗迷又在璇璣玉

衡以齊七改舉八元  
布五教內成外平

山甫翼周靡剛靡柔補我衮闕玉

我王猷王猷允塞而四海咸休

詩維仲山甫剛亦不吐柔亦不茹入衮職有闕

維仲山甫補之玉謂使之光明溫潤如玉也左傳昭我王度式如玉又王猶允塞四方既平

雖曰聖

明必資良材無曰我智官不任能王言如絲其出成綸千

里之應樞機在身

禮記王言如絲其出如綸易君子居其室出其言善則千里之外應之樞

機之發榮辱之主也尚書出納王命故云

世季道闕天網縱替既無老成改

舊法制

周詩雖無老成人尚有典刑老成人謂舊臣典刑舊法也

法制不循不長厥

裔

先王之法制盡廢而後國隨之裔世系也

尚臣司臺敢告侍衛

傳玄

吏部尚書歲

初漢成帝置列曹尚書四人其一曰常侍曹光武改常侍曹為吏部

曹專掌選職右於諸曹自漢及魏授此職者咸曰吏部尚書諸曹但曰尚書而已

明明王範制為九服

周禮九服王畿千里之外分為侯甸男采衛蠻夷鎮蕃是為九畿

君執常道臣有定職各有攸司又用不愆

書洪範人用明俊民用章

貴無常尊

貴為天子得道則尊貴而無輔失其尊矣

賤不指卑

公卿大夫下至庶士賢德

所萃勿指為卑

不明厥德國用顛危

君臣上下不宣明德則其國危

昔舜舉咎

繇而俊人在官湯舉阿衡而不仁流屏

書俊人在官百僚師師論語舜

有天下選於衆舉臯陶湯有天下且表正而象平日夕而

景側

表與日君也象與影臣也君正則主吏部者得人吏部得人則百執各得其職

處喉舌者

患銓衡之無常不患於不明

吏部掌銓衡之任代君進退人材處心有常則公生

明故曰無謂隱微廢公任私

中庸曰莫見乎隱莫顯乎微

無好自專

違衆取怨是以古之君子無親無疎縱心大倫修己以

道弘道以身

中庸修身以道論語人能弘道

易貴好爵書慎官人

易我有好

爵吾與爾縻之書能官人惟帝其難之

官不可妄授職不可闇受能者養

之致福不能者敝之招咎衡臣司書敢告左右

古文苑卷十六